



**Nunat Aqqinik Aalajangiisartut  
marlunnngorneq oktobarip 15-anni 2013-mi  
Oqaasileriffimmi ataatsimiinnerat**


**Peqataasut.:** Carl Christian Olsen, Tukummeq Qaavigaq, Abia Abelsen, Karl Møller aamma Stephen Heilmann.

Allatsi: Lisathe Møller Kruse

1. Tikilluaqqusineq
2. Imaqarniliap akuerisassatut saqqummiunnera (*juunip 28-anni 2013-imi ataatsimiinnermit imaqarniliaq*)
3. Aatsitassanut Ikummatissanullu Pisortaqarfimmiit saaffiginnissutit
  - i. Høring: Anmodning om stednavn, 2014/01.pdf (*Narsarsuup timaaniittoq tatsip Motzfeldip Tasiata kangiatungaaniittoq*)
  - ii. Stednavnenævn – høring.pdf (*Ukkusissat eqqaaniittoq*)
  - iii. Stednavnenævn – høring(1).pdf (*Ummannap Ilulissallu akornanniittup Nuussuup ilaani Marraap timaaniittoq*)
4. Savaateqarfiit aqqi suli Nunat Aqqinik Aalajangiisartunit akuerineqanngitsut
  - i. Kiattuut (savaateqarfik)
  - ii. Qaqortukuloq (savaateqarfik)
  - iii. Qorlortukasik (savaateqarfik)
  - iv. Eqaluit Qinnguut → Eqaluit Akia (*Aqqalooraq Frederiksen*)
5. Nunat aqqi naqqiissutit akuerititassat
  - i. Erngata Qaqqaa → Ermata Qaqqaa (Narsarsuup kangerluata qinnguata timaaniittoq)
  - ii. Erngata Tasia → Ermata Tasia (Narsarsuup kangerluata qinnguata timaaniittoq)
  - iii. Erngata Tasia Qulleq → (Narsarsuup kangerluata qinnguata timaaniittoq)
  - iv. Erngata Kuua → Ermata Kuua (Narsarsuup kangerluata qinnguata timaaniittoq)



- v. Annannguit Qaavat → Annannguit Qaavat (Savaateqarfiup Annannguit timaaniittoq qaqqaq)
  - vi. Isortoq tunumiittoq nunaqarfik, Sisimiut Isortuat, Isortoq maniitsup kujataaniittoq kangerluk.
6. Nunat aqqi Nunat Aqqinik Aalajangiisartunit suli akuerineqanngitsut
- i. Kap Biot → Innaaqqinneq (suli kalaallisut atia akuerisaniinngimmat)
  - ii. Tunup kujataani inoqarfikoq **Kuutseq** nalunaarsugaatiginngisap akuerinissaa. Kuutsit Kangerluata paavani qeqertamiippoq.
  - iii. Tunu → Nunatta Kangia (Justus Hans → Arnakkuluk Jo Kleistimut suliakkiissutaa)
  - iv. Ellesmere Island → Akilineq, Umimmaat Nunaat tunorsuaniipporooq. Taamanngooq taasarpaat sumiiffik pineqartoq umimmaqartarmat. (Taama e-mailerluni nassuiaavooq Hivshu)
7. Taasariaqartut allat
- Paasissutissiineq: Narsaq Kujalliup akianiittoq nunaqarfiusimasooq Ikigaat qallunaatsiaqarfikuusimavooq, ateqartinneqarsimalluni Herjolfsnæs.



## 1. pillugu –

Ataatsimiinnerup aallartinnerani Nunat Aqqinik Aalajangiisartunut siulittaasoq CCO tikilluaqqusivoq. Karl Møllerilu Lotte Maré Holmip tunuarnerata kingunerisaanik ilaasortanngortoq tikilluaqquaa.

## 2. pillugu –

Juunip 28-anni 2013-mi ataatsimiinnermit imaqarniliaq akuerineqarpoq.

## 3. pillugu –

Aatsitassanut Ikummatissanullu Pisorta qarfimmitt saaffiginnissutit Nunat Aqqinik Aalajangiisartunit eqqartorneqareerlutik ima akuerisaasumik taaguuteqartussatut aalajangerneqarput:


- |   |                      |
|---|----------------------|
| 1) Høring: Anmodning om stednavn, 2014/01.pdf                                       | <b>Qooqqup Timaa</b> |
| <i>(Narsarsuup timaanniittooq tatsip Motzfeldip Tasiata kangiatungaaanniittooq)</i> |                      |
| 2) Stednavnenævn – høring.pdf   | <b>Innerit</b>       |
| <i>(Ukkusissat eqqaanniittooq)</i>  |                      |
| 3) Stednavnenævn – høring(1).pdf  | <b>Ujarattuut</b>    |
| <i>(Ummannap Ilulissallu akornanniittup Nuussuup ilaani Marraap timaanniittooq)</i> |                      |

## 4. pillugu –

Savaateqarfiit aqqi suli Nunat Aqqinik Aalajangiisartunit akuerineqanngitsut pingasut Nunallu Aqqinik Aalajangiisartut nalunaarsugaatigileqqamisat akuerineqartut ukuupput:

- i. **Kiattuut**
- ii. **Qaqortukuloq**
- iii. **Qorlortukasik**

Savaateqarfik Eqaluit Qinnguut Nunat Aqqinik Aalajangiisartut nalunaarsugaataanniittooq akuerisaasorlu Savaatillit Siunnersuisoqatigiivinit naqqiissuteqarfigineqarpoq ”Eqaluit Akia”-nik ateqartoq nassuiaallutik. Nunat Aqqinik Aalajangiisartut savaateqarfik pineqartoq ima ateqartussatut aalajangerpaat **Eqaluit Akiat**.



## 5. pillugu


Nunat aqqi naqqiissutaasut Nunat Aqqinik Aalajangiisartunit allanngortinneqarlutik akuerineqartut ukuupput:

<i>Siornatigut akuerisaq nalunaarsukkamiittorlu</i>	<i>Allannguut akuerisaq</i>
Erngata Qaqqaa	<b>Ermata Qaqqaa</b>
Erngata Tasia	<b>Ermata Tasia</b>
Erngata Tasia Qulleq	<b>Ermata Tasia Qulleq</b>
Erngata Kuua	<b>Ermata Kuua</b>
Arnannguut Qaavat	<b>Annannguut Qaavat</b>
Arnannguut Saqqaa	<b>Annannguut Saqqaat</b>
Sisimiut Isortuat	<b>Isortoq</b>

## 6. pillugu

Nunat aqqi Nunat Aqqinik Aalajangiisartunit sulii akuerineqanngitsut naqqiissutillu saaffiginnikkut naqqiissutaasimasut Nunat Aqqinik Aalajangiisartunit eqqartorneqarput.

1. Jens Napaattooq Oqaasileriffimmut sianerpoq raatiukkut aallakaatitami Kap Biot tunumiusut taaguuteqarnerisooq nalornerpalullugu. Jens Napaattooq nassuiaavoq kangeq pineqartoq “Innaaqinneq”-mik ateqartoq. Nunat Aqqinik Aalajangiisartut aalajangerpaat uppersarluariarlugu Nunat Aqqinik Aalajangiisartunit akuerisassanngortikkumaartoq.
2. Tunup kujataani inoqarfusimasooq nunat aqqinik nalunaarsugaatiniinngitsoq **Kuutseq** Nunat Aqqinik Aalajangiisartunit akuerisassanngortinneqarpoq. Nunat Aqqinik Aalajangiisartut inoqarfusimasooq **Kuutseq** akuerivaat pisortatigoortumik atiussasooq akuerivaat.
3. Kommuneqarfik Sermersuumi kommunalbestyrelsimut ilaasortap nunap aqqa Tunu ilaasortaaqatiminut saqqummiussimavaa ima ateqartussatut allanngortinneqarnissaa siunnersuutigalugu **Nunatta Kangia**. Tamatuma kingorna Arnakkuluk Jo Kleist Oqaasileriffiup oqarasuaataanut sianerluni saaffiginnissimavoq apersorluni taamatut kikkut



allanngortitsisuusinnaanersut, qanoq isiortoqartarnersoq qanorlu isumaqarnersugut. Suliassaq taanna Oqaasileriffimmi sulisup Katti Frederiksenip Nunat Aqqinik Aalangiisartunut ingerlateqqippaa. Nunat Aqqinik Aalajangiisartut aalajangerpaat suleqatigiissitalianut suleqatiserinninnermik imalimmik Oqaasileriffik allagaqassasoq.

4. Qaanaarmiu Sverigimi najugalik Hivshu Oqaasileriffimmut saaffiginnippoq nassuiaalluni Ellesmere Island “Akilineq”-mik ateqartoq,” Umimmaat Nunaat”-nillu ateqanngitsoq. Nunanngooq taassuma tunorsuaniippoq “Umimmaat Nunaat”-nik ateqartinneqartoq. Umimmaanngooq nunap taassuma tunorsuani nunaqarmata. Nunat Aqqinik Aalajangiisartut aalajangerpaat Hivshu allaffigineqassasoq Kalaallit Nunaata avataaniittut nunat Nunat Aqqinik Aalajangiisartunit akisussaaffigineqanngitsut. Nuna naqqiissuteqarfigisaa Canadamiimmat paasisutissaq Canadamiunut ingerlateqqinneqassasoq ilanngullugu kalerriutigineqassaaq.

## 6. pillugu

Taasariaqartuni Nunat Aqqinik Aalajangiisartunut allatsi Lisathe Møller Kruse paasisutissiivoq Narsaq Kujalliup akianiitoq nunaqarfiusimasoq Ikigaat, “Herjolfsnæs”-imik ateqartinneqarnikuusimasoq, taannalu nalunaarsugaatini paasisutissatut toqqortaalersoq.

-----  
Carl Chr. Olsen  
Siulittaasoq

Lisathe M. Kruse  
Allatsi